

婦人門上

張氏醫通卷十



張氏醫通卷之十

清

長洲石頑張

璐路玉父纂述

男

登誕先

叅訂

倬飛疇

日本

大泉長菴前田安宅子仁

再訂

男

典子守

婦人門上

經候

經曰。女子手少陰脈動甚者。妊子。

婦人以血為主。故手少陰動甚。為懷身之象。胎稟在下。反
以上部動甚。為胎脈之驗者。蓋陽神氣旺。與尺內陰搏陽
別。同一胎脈。而有左右上下陰陽男女之辨。是以內經特

爲昭揭

二陽之病發心脾。有不得隱曲。女子不月。其傳爲風消。其傳爲息賁者。死不治。

手足陽明。皆曰二陽。不得隱曲。言情欲不遂。而病發心脾也。風消者。發熱消瘦。胃主肌肉也。息賁者。喘息上奔。胃氣上逆也。此節雖言病發心脾。而實重在胃氣。心爲胃之母。胃爲脾之府。且與大腸一氣貫通。焉有母傷而子獨安。藏病而府不病之理。

有病胸脇支滿者。妨於食。病至則先聞腥臊臭。出清液。先唾血。四支清。目眩。時時前後血。病名血枯。此得之年少時有所大脫血。若醉入房中。氣竭肝傷。故月事衰少不來也。治之以四烏鰂骨一蘆茹二物并合之。丸以雀卵。大如小豆。以五丸。

爲後飯。飲以鮑魚汁。利腸中。及傷肝也。

此段經文。全重在氣竭肝傷四字。爲通節之綱旨。胸脇肝部也。支滿。肝病也。妨於食。木邪凌土也。病則先聞腥臊臭。脾喜芳香。今脾土爲木邪凌虐。病則先聞腥臊。臊乃肝之旺氣也。出清液。脾虛不能敷化水精也。先唾血。脾傷不能統運營血也。四肢清。陽衰不能傍達四末也。目眩。陽不充而水上溢於經也。前後血。陰受傷而血內溢於絡也。血枯。內有乾血。血不歸經而結胞門也。良由年少不禁。氣竭肝傷。而致月事衰少。或不來也。治以烏鰂骨四分。取其味鹹走腎性溫達肝。配以蘆茹一分。取其辛散內風溫去惡血。二物并合。功專破宿生新。丸以雀卵。取其溫補助陽。能調子藏精血。以五丸爲後飯者。先藥後飯。使藥徐行下焦力。

貴專攻五丸不爲少也。飲以鮑魚汁。利腸垢。和肝傷。取其
臭穢之味。佐烏鰂骨而辟宿積之血也。烏鰂血黑如墨。用
之書契。則有賊人之害。故又名烏賊。入腎走血而不傷伐。
真元。功在蟲蛭之上。攷諸本草。蘼茄卽是茜根。功專散血。
不可誤認。蘭茹。蘭茹辛寒有毒。功專外科。觀本經主治可
知。

金匱云。婦人之病。因虛積冷結氣。爲諸經水斷絕。至有歷年
血寒。積結胞門。寒傷經絡。凝堅在上。嘔吐涎唾。久成肺癰。形
體損分。在中盤結。繞臍寒疝。或兩脇疼痛。與藏相連。或結熱
中。痛在關元。脉數無瘡。肌若魚鱗。時著男子。非止女身。在下
未多。經候不勻。令陰掣痛。少腹惡寒。或引腰脊。下根氣街。氣
衝急痛。膝脛疼煩。奄忽眩冒。狀如厥癰。或有憂慘。悲傷多嘆。

此皆帶下。非有鬼神。久則羸瘦。脉虛多寒。審脉陰陽。虛實緊
弦。行其鍼藥。治危得安。其雖同病。脉各異源。

婦人經閉諸病。無不由虛寒而成。經閉雖屬虛寒。則崩漏
之屬。虛熱從可識矣。夫經水歷年斷絕。則瘀積結於胞門。
寒氣凝於經絡。蓋下焦寒積結聚。則中上二焦皆不得通
暢。所以在上則寒沫結聚而爲欬。欬久熱結而爲肺癰。在
中則寒飲結聚而爲疝。疝久熱結。亦爲內癰。大抵內癰皆
起於結血。故申之以脉數無瘡。肌若魚鱗。昭揭病形。然此
不但婦人也。男子亦有是證。總由經絡鬱閉。寒從火化所
致。至於在下。則經候雖不調。而不至斷絕。所療亦爲不多。
其證雖久。但少腹氣街引急寒痛也。其或膝脛疼煩者。以
四肢爲諸陽之本。寒結於內。則在下之陽不能上入。故膝

脛反熱而痛也。至如奄忽狀如厥癰。或時憂慘悲嘆。有若鬼神所憑。此皆陽神虛寒。不能統攝濁陰。發爲帶下之候。故以久則羸瘦。脉虛多寒證之。然多寒言屬寒者多。非絕無屬熱者。假如羸瘦而脉數。又爲陰虛多熱矣。設形盛而脉虛。豈不爲氣虛多寒乎。形盛而脉濡。寧不爲溼熱固結乎。斯其所以爲同脉異源也。

寸口脉弦而大。弦則爲減。大則爲芤。減則爲寒。芤則爲虛。寒虛相搏。此名爲革。婦人則半產漏下。旋復花湯主之。脉弦而大。按之減小而芤者。爲表裏失血之候。以其脉弦大無力。而少徐緩冲和之氣。故謂之革。言胃氣近於革除也。蓋弦爲陽氣少。芤爲陰血虛。婦人得之。主半產漏下。以旋復花湯主之。本草謂旋復花主結氣。葱白主寒熱。新絳

乃絲帛之染緋者。主活血。三味入肝理血。除邪散結。豈非以氣少無陽則寒。血虛無陰則熱。兩虛相搏。以害其肝之生化歟。若不明其相搏。止謂之虛。何以用旋覆花。葱白。皆解客熱之邪者。而不用溫補其虛乎。

婦人陷經漏下。黑不解。膠薑湯主之。

氣暢而血從。則百脉流動。以候天癸。苟有邪以阻之。則血不從其氣。而自陷於血海。血海者。腎主之。腎者。寒水也。其色黑。是以漏下黑矣。猶內經所謂結陰下血也。○林億云。臣億等。較諸本無膠薑湯方。當是妊娠中膠艾湯。

婦人少腹滿。如敦狀。小便微難而不渴。生後者。此爲水與血俱結在血室也。大黃甘遂湯主之。其血當下。

水有清濁。清則入經化血。濁則爲溺爲唾。苟因氣化之亂。

濁者入之。則不能化血。而爲血害也。水性惟能潤下。下流不通。入與血居。必停於脈。隨其所止。止於肌表者。作身腫。止於筋骨者。作肢節腫。此止於血室。故作少腹如敦狀。然血室雖與膀胱異道。膀胱是行水之府。水畜血室。氣有相感。故膀胱之氣亦不化。而小便微難。水與血皆陰類。雖有留積。不能發熱。故不渴。若渴則爲膀胱結熱。而非水血矣。若小便自如。而少腹之如敦者。亦不謂之水併。當是他邪血積可知矣。生後者。言曾生育過之婦。則有此患。非指產後而言。若室女則無是疾也。用甘遂取其直達水停之處。大黃蕩滌瘀血。阿膠爲血室之向道也。

者。婦人經水不利下。抵當湯主之。亦治男子膀胱滿急。有瘀血

傷寒陽明證。其人喜忘者。必有瘀血。大便色黑。抵當湯主之。發熱下之不解。六七日不大便者。有瘀血。亦抵當湯主之。傷寒有熱。少腹滿。應小便不利。今反利者。爲有血也。宜抵當丸。三者有病證而後立方。今止云經水不利。然經水不利。豈盡血畜不通。而無虛損者哉。此必有畜血形狀。而出是方也。

婦人經水閉不利。藏堅癖不止。中有乾血。下白物。礬石丸主之。

子宮血積。不與氣和。故新血不至。遂成乾血。堅癖外連子戶。津液不行。化爲白物。是用綠礬消堅癖。破乾血。杏仁利氣開閉。潤藏之燥。蜜以佐之。內子戶而藥氣可直達於子宮矣。設乾血在衝任之海者。必服藥下之。內之不能去也。

婦人腹中諸疾痛。當歸芍藥散主之。

此腹痛者。由中氣虛。脾土不能升運陰陽。致二氣乖離。肝木乘尅而作痛。故用是湯。補中伐木。通行陰陽也。

婦人腹中痛。小建中湯主之。

小建中專主風木勝脾之腹痛。而婦人善怒。易動肝火。木邪乘土。多有腹痛經水妄行之疾。故以此湯主之。

帶下經水不利。少腹滿痛。經一月再見者。土瓜根散主之。陰癰腫亦主之。

此亦因瘀血而病者。經水雖不利。但一月再見之不同。皆衝任脉瘀血之病。土瓜根消水飲。芍藥開血痺。桂枝通血脉。蠱蟲破血積。更需以酒行之。至於癰腫。非惟男子之罌丸。婦人之陰戶亦有之。多在產時。瘀血流入作痛。下墜出。

戶也。

問曰。婦人年五十。所病下利數十日不止。暮卽發熱。少腹裏急。腹滿。手掌煩熱。脣口乾燥。何也。師曰。此病屬帶下。何以故。曾經半產。瘀血在少腹不去。何以知之。其證脣口乾燥。故知之。當以溫經湯主之。亦主婦人少腹寒。久不受胎。兼治崩中去血。或月水來過多。及至期不來。

問下利不止。答屬帶下何也。婦人年已五十。經絕胞門閉塞。衝任不復輸瀉之時。所積血自胞門化爲帶下。無所從出。大便屬陰。故就大便爲下利。是卽以帶下例治之。

王節齋曰。婦人女子。經脉不行。有脾胃損傷而致者。不可便認作經閉血死。輕用通經破血之藥。遇有此證。便須審其脾胃何如。若因飲食勞倦。損傷脾胃。少食惡食。泄瀉疼痛。或因

誤服汗下攻伐藥。傷其中氣。以致血少而不行者。只宜補養脾胃。用白朮爲君。茯苓芍藥爲臣。佐以黃耆甘草陳皮肉桂川芎歸身柴胡等藥。脾旺則能生血。而經自行矣。又有飲食積滯。致損脾胃者。亦宜消積補脾。若脾胃無病。按其少腹。果有血塊凝結。方宜香附蘄艾桂心桃仁行血通經等劑。經云。飲食入胃。遊溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。故心脾和平。則經候如常。苟或七情內傷。六淫外侵。飲食失節。起居失宜。脾胃虛損。則月經不調矣。若先期而至者。有因肝脾血燥。有因脾經鬱滯。有因肝經怒火。有因血分有熱。有因勞役火動。其過期而至者。有因脾經血虛。有因肝經血少。有因氣虛血弱。治法。因肝脾血燥者。加味逍遙散。脾經鬱滯者。歸脾湯。肝經怒火。

者。小柴胡加生地。血分有熱者。四物湯加白朮茯苓柴胡丹
皮。勞役火動者。補中益氣湯。脾經血虛者。十全大補湯。肝經
血少者。六味丸。氣虛血弱者。八珍湯。○經候不調。無他證而
不受胎。六味丸全料減澤瀉一兩。加童便製香附四兩。醋煮
斷艾一兩。調理最妙。若有別證兼見。隨證制湯送下。○婦人
勞傷氣血。衝任虛損。月水過多。淋漓不斷。或過期不來。崩中
下血。或白帶白淋。四物湯加丁香膠艾。若曾傷胎。瘀血停留
小腹急痛。五心煩熱者。大溫經湯。○月水不調。陰虛潮熱。或
寒熱如瘧。盜汗痰嗽。漸成骨蒸者。血熱相搏也。加味道遙散。
○月水准信不受孕者。其故有三。肥白腹不痛者。閉子宮也。
因痰導痰湯。甚則間一二日。送滾痰丸二三服。腹多痛者。必
食生冷過多。且又多氣。宜溫熱藥。七氣湯。如欬嗽形瘦。色赤

多火。陰血虛者不宜服。只以四物加陳皮香附肉桂作丸。亦有血少不能攝精者。十全大補湯兼寒。金匱溫經湯。或曰。經正而子宮寒者非也。若子宮寒。其經必過期矣。豈有准信而曰寒乎。○黑瘦多火人。經少。色深紫而不受孕者。爲胞血枯而精被燥也。四物換生地加芩連。○瘦弱而不能受孕。子宮無血。精氣不聚故也。十全大補之類。○經水不准。必不受胎。然參前受胎者有之。此是血熱。抑有參前落後互兼者。將爲寒熱並乎。大抵婦人受氣則氣亂。經期亦亂。故調經以理氣爲先。歸附丸。○氣盛者。宜抑氣以行血。血盛則氣行矣。○經不調而血淡如水。宜補氣血。保元湯加芎歸肉桂香附。腹痛。加膠艾延胡。虛。加薑附。○經水有先期而來者。多屬熱。其證有二。血熱者。腹多不痛。身多熱。此火也。其色必紫。脈必洪數。

四物湯中川芎減半。易生地加條芩丹皮香附。虛熱者。四物合保元。不應加炮薑。宜連炒黑香附。乾嗽者。逍遙散。氣多血虛者。腹必疼。藿香正氣散加芎歸香附。慎用涼藥。若婦人年四十餘。經水每月二三至者。此少年恣意太過。後必崩淋。○經水後期來者。多屬寒。其證有三。血虛腹多不痛。微微身熱。間亦有痛者。乃空痛也。脈必大而無力。或浮濇濡細。宜調氣生血。八物加香附。虛則四物加參朮黃耆升麻陳皮。氣滯血虛者。四物加丹皮香附。肥盛多痰。去地黃再加橘半茯苓。血寒脈必沉遲弦緊。歸附丸。過期色淡者。痰多也。二陳加柴胡香附肉桂。若過期兼白帶者。艾煎丸加香附。若欬忌香附。逍遙散加丹皮。嗽而瀉者。養胃湯。血滯滯者。胸飽腰腹痛。醋煎散。或七氣湯加減。○衝任虛損。少腹有寒。月水過期不能受。

孕者。溫經湯。○年老無病。而月水如期不斷者。氣血有餘也。若反多。或一月兩至者。氣虛不能統血。欲成崩淋也。既絕復來者。氣病也。或傷損。或瘀血。皆以腸腹急痛爲辨。並宜四烏湯用赤芍。若其勢可止。宜大劑八物湯。能食者加苓連。不能食者加炮薑止之。服藥得効者。十有三。虛甚者。多不能効。○經水將來。腰疼腹痛。乃鬱滯有瘀血。四物加紅花丹皮蓬朮延胡索香附木香。實熱加黃連。發熱加柴芩。將來小腹先痛。氣血滯滯也。四烏湯加莪茂桃仁。經前先腹痛。脈浮弦者。小建中加丹皮桃仁。經候欲行。身體先痛。氣血不足也。桂枝湯加芍歸。稍用熟附二三分。經後痛者。雖曰虛寒。當補。然氣散亦能作痛。須視其受補否。不受補。四物加炮薑艾附。受補者。八物加炮薑艾附。瀉者先治瀉。久有經行四五日。腹中綿